



12228

江湖後集卷二十

李龔

龔字和父苕澤人家吳興三滙之交不樂仕進年
登耄期自作墓誌未幾死無子趙文耀復爲誌葬
之何道兩山之閒種梅百株趙德符題碣曰宋詩
人雪林李君之墓案遺書本龔詩止集句二種曰
翦綃集曰梅花衲今昔自永樂大典中者有吳湖
藥邊吟雪林採蘋吟雪林撚髭吟雪林漱石吟雪
林擁蓑吟仍存其目分編於前其無標識及賦一

江湖後集卷二十

一讀書齋正本

一首分體附於後

端居寫興

地偏雙耳靜心近古無懷掃壁書秋夢聽鐘辨午齋貧
疎親骨肉老病瘦形骸欲買劉伶鍤教童死卽埋

二月二日行藥城下

病懷歡易失勝踐負流年行藥到城下看春立水邊小
花雙蝶鬧禿樹一鷗眠弦管同羈旅今辰幾處偏

題瑩講主雲林

聞說有雲林吟人未易吟無風常滄滄不雨自陰陰宿

鶴秋枝老懸燈夜屋深雖於朝市遠僧住若爲心

貽劉似道

百年能幾日一別又三秋涉世雖相似成名卻不侔
蘋香分旅夢棗色動高愁南海曾遊處應多異寶收

贈蜀客

萬里潼川路連年沒野蒿君家在何許客寺忽相遭
渴雨秋雲熱窺人夜月高時平歸蜀去應記識吾曹

松邊晚思

小立聽松聲身如海際行認巢飛鳥盡脫雨素蟾生角

江湖後集卷二

二讀畫齋正本

動州城遠燈深古巷明一春和病過猶未得心清

道室雨中

無事役長日幽扉掩道房雨蒸吟軸潤雲滄藥爐香
黃蠟穿苔走青蛇入竹藏世緣拋似夢還自覺淒涼

春思

一心無外事春思似秋清掩室惟欹枕看山閒出城
花分閒地落筍入斷堦生寂寞從人笑貧難與命爭

夢遊僊

渺渺僊京到不難夢遊頃刻過蓬山桃池根暖春常在

桂殿花寒夜弗關
簇杖龍來珠箔捲
奏章人去玉庭閒
塵緣未斷雞聲起
又落黃梁未熟閒

寒食日

歌哭相喧熟食邊
野原花柳盡生煙
身如厄木猶多病
心似寒灰豈欲然
鷗鷺乾坤知有我
燕鶯日月認誰憐
溪城半掩斜陽暝
落得閒愁幾畫船

失題

應是三生愛酒人
誤流醉魄入花身
風酣日醞微香度
全似偷閒穉豈春

江湖後集卷二

三讀書齋正本

木筆

巧如雞距銳如簪
蘸紫濡紅粉不深
青帝合教隨侍史
萬花國裏寫春心

緋桃

漢武西池宴未歸
霞妃粲粲弄春機
靚妝似怕東風笑
盡換宮羅五品衣

衣裁緗纈態纖穠
猶在瑤池午醉中
嫌近清明時節冷
趁渠新火一番紅

郁李花

花身合向玉新裁同是玄元指姓來拋擲人閒春色裏
霞衣小豔亦文哉

聞貴家搗浣

敲風點月重還輕遊子聞來最動情峻宇雕牆雲雨外
那知此石有離聲

寓惠日寺

世路兢兢似履冰得閒何處不輸僧青山未有投閒地
我亦僧邊寄一燈

題丁吉父梅扇

江湖後集卷下

四讀書齋正本

簾捲春寒月過中瑣窻風淡暗香濃橫枝半颭蘭缸影
曾惹佳人繡唾絨

夢回荆溪聞雨

迢迢殘夢太湖西窻眼未明雞已啼蕙草無香秋被冷
十年情緒雨淒淒

右吳湖藥邊吟

貽陳體忠

十日不作詩昏昏如著酒西風吹笛聲淒然透窻牖暝
色起煙浦庭梧多空枝因軫故物念暗螢死書帷濡毫

寫中情哀菴沸窮巷藜藿弗滿餐庸兒謂癡蠢天高白
雲遠獨偈鼻獺羣蹇步望逸駕衣巾黏垢氛交游日凋
疎芳草積零露薄俗徒云云此意欲誰訴

荅江無極

男兒懶種南山豆短褐跣走京口一枝彩筆度陽春
五年不飲烏程酒杳眇長堤斷馬蹄吟詩豈爲黃金悲
菖蒲花老楓香謝頭上驚霜添暗絲紅雲無光日將暮
半幅離情捲幽素迷魂細雨撲寒空秦淮鯉魚撒波去

東家

江湖後集卷二

五讀畫齋正本

東家買金鈿西家買翠鈿雙鬟耀釵澤顏色如春妍朝
開鉛粉匣金翠爭光鮮妝成倚高樓誰不生愛憐君不
見采蘋老人門似水嬌女無錢作梳洗學他鄰舍爲花
鈿惟將素面貼苔錢

貽張巨濟

上國交游盡見君殊惘然相尋相別日二十二三年紫
陌辭塵佩青門委蠹編詎知歸老地還向卞峯前

贈摘阮道士

下山何處去語別老君前自背一張阮遠登三楚船夜

程依岸正午飯對江蓮若見知音了歸來定絕弦

贈陳錄士

青囊傳寶籙龍虎度師家短褐煙霞滿離山歲月賒不
愁生白髮自解死朱砂遠向華陽去言尋蔡少霞

寄從弟道士惟中

一門羣從葬秋煙奕世儒家失舊氈汝昔已工敲月句
而今惟使醮星錢夫差臺榭遊應徧魯望篇章錄想全
古觀燈殘風雨夜可無歸夢入臨川

右雪林採蘋吟

江湖後集卷十

六讀書齋正本

寄餘干鄭丞

君爲丞處是吾鄉門對煙霞竹繞牆於越城荒雲樹暗
弋陽溪近水苔香的知左宦心應折未必東歸鬢便蒼
若過藏山山下寺松楸憑與問淒涼

貽孫花翁

數寸書空筆拈來直欲焚絕憐吟貌減多爲客情分晚
逕飄黃葉秋簷挂白雲因君論一飯千古憶田文

早起

遠鐘雲際斷一雁度殘河聞氣今年正秋聲昨夜多露

花縣薦蔓風葉捲蟲窠坐結西遊恨南鄰猶醉歌

寄張公洞黃宮主

春草沒驢肩新吟今幾篇每逢僊友說多在石田邊燕
穴穹平地龍巢出半天常思訪毛節凡骨恐腥羶

說經道者

瀾翻口裏說三車一衲唯披百結麻應笑經僧內供奉
等閒盡著紫袈裟

送柳鍊師歸台山

月照秋塵三丈飛破囊攜藥下黃池僊家不數人閒事

江湖後集卷下

七讀畫齋正本

瀑布橋邊憶看棋

題贈秋洞周鍊師

誦熟神農本草經夜深猿鶴亦潛聽世閒三百來般藥
用著醫人盡有靈

沈澆壇邊月影寒朝元多戴薜花冠俗人或問長生事
教看西風一竈丹

送月窟王敬叔遊武夷

客程遙指建溪行要踏東風看幔亭君去莫嫌春色晚
落花一路水苔青

右雪林撚髭吟

題贈高士章少機

度人經注就進罷徑還鄉自說爲高士深恩感壽皇斷
琴支醉石寒帽擲吟牀八十身猶健元無服食方

右雪林漱石吟

寄國史校勘陳體仁

天祿對藜燈丹鉛照眼明雖稱小朝士不是老書生職
重三場筆官聯六館名懷君旣良晤歲久又崢嶸

端午日

江湖後集卷二十

入讀畫齋正本

高門高挂艾天師玉臂還纏五彩絲我只一杯昌歎酒
羲皇窻下讀騷辭

摺疊扇

尺素裁成半葉柯竹批六夾影相羅玉人笑把遮羞面
還向縉邊見笑渦

早起

殺更聲裏亂啼鴉十二屏山捲碧紗海月傾欹光未沒
隔牆猶照紫薇花

看竹

節抱秋霜綠玉君一林風月有司存吟邊不領閒公事
報了平安聽掩門

右雪林擁養吟

祀神詞

食蘋兮崑崙駕文鱗兮西海登羣玉之府兮白雲熊熊
祀司天兮毛采占筵算兮瑤池恍余心兮飄厲旋升兮
軒上卽平圃兮佇貽颯晨風兮丹木閭環玉兮泠淪神
來歸兮洋水舞青鳥兮都庭陳桂尊兮藉白茅申微詞
兮再拜以偃歎余誠兮神何私惟怙終兮拙魯

江湖後集卷下

九讀書齋正本

秋征圖

斷崖兮秋清野橋兮煙橫彼何人兮短褐跨蹇驢兮孤
征登蜀道兮出函谷叫閭闔兮謁承明蘭皋兮芷葺木
涵風兮楚聲渺何之兮不返因有感兮吾生

君子有所思

揚颿越震澤暮上姑蘇臺飛目眺衢市第宅星宮開丹
鶩翔虹浦碧戶闔瑤街方泉沼清鏡怪石環蓬萊姬房
儲越女歌院集吳娃浦觴廣遙夜蠟淚毬青煤懸景駛
流水安樂難安排堪輿金玉身不防熬豹胎石穹霽能

穴樹大風先摧君子哉若人方寸逆自裁

遣興三首

弱齡性淡泊鄭圃吾其師及茲拙生事窮窘常經時無
方可紓急何以宣中懷柴門蔽殘席咏書倦徘徊呼兒
促觴至目翫天雲飛山鳥送新響日遲花露滋頽然醉
欄下不省何如時雖非富貴樂富貴乃所乖

疎松碎明月密竹篩清風親交昔與別若謂行相從延
企邈不及音容隨想生諒彼亦耿耿飛爽畱空形援琴
不能寐意乃多於聲晤言豈無偶眷眷詎可忘

江湖後集卷下

十讀畫齋正本

編蓬諧夙心尊古豈文義所得靡有言應酬聊爾爾室
中無萊婦童弱偶成四圍樂寧無思達此天亦蛻客來
問長鬚新醕可籌未行行陟高岡一顧俯煙水客去不
肯留吾歸且休矣

寒暑吟

赦寒乃望春赦暑乃望秋望望復望望寒暑無停轉磨
空兩靈魄日夜東西流血肉具此體老我誰爲謀泛然
寓大塊萬物同一丘壯兮耄所伏盛者衰之由暑退秋
紅滋寒往春綠稠柰何秋與春不赦腸中愁

蕭寺逢寒食

皇天無私覆白日照不明覽鏡見白髮無路通上清惡
命如惡草羞與蕭艾爭春風鼓元造吹我來吳城繁華
久寂寞車馬猶肥輕寄家盤門裏古寺如荒坐地頑蘚
皮厚終日無人行囂饒故相遠妻女多輕驚朝聞勃姑
聲暮聞姑惡聲聲云苦復苦朝暮難爲情梨花照愁腸
痛似遭五兵一杯寒食酒誰與論浮生

飛仙篇用周草窻韻

明星燦白石入極傍無端羽駕紫霞表月窟春闌珊三

江湖後集卷下

十二讀書齋正本

元流珠祕換骨初不難彈指一塵劫世人漫愁歎王喬
羨門生鸞鶴常矍矍剛風導旛旗冉冉如飛翰仙人攬
六著著以頰玉盤上朝東華閣主君顏渥丹邀我小稅
駕爲說平生歡彤雲爍羽袂鬣背晨光寒

古興四首用周草窻韻

薰風入虞弦萬物闢生意圖南豈無心所恨老已至浮
雲翳高槐縹緲動羈思吁嗟鷓鴣枝詎可巢孔翠
塵空障雙眼閉門息交遊聖經斷金義當從古人求清
尊洗風月非可與婦謀據梧不成寐簾影燈幽幽

陰崖月常昏曠野日生早太行不通舟車馬畏鳥道草
草度歲時空慕茹芝老不有離騷詞何能泄幽抱
流俗厭拙直對面猶褰斜冰玉漫堅白錦繡矜妍華往
往怪僻者反爲時所誇交情到妻子合人生歎嗟

採桑行

採桑東陌頭日出紅光流採桑南陌頭和風滿桑鉤採
桑西陌頭日落烏颺颺採桑北陌頭明月照歌樓攜籃
敢憚遠手胼足成跣蠶饑恐歸遲一日三四返昨朝蠶
三眠燈前微合眼夢中見征夫短衣供築版庭樹啼霜
鴉夢回自天涯小姑報蠶起蓬鬢忙梳爬相望萬餘里
那敢興怨嗟出門還採葉細雨溼桐花

弔魏嶼川

永嘉嶼川魏起雷客死吳興安定書堂殞於
曹公廟中孤櫬望故鄉千有餘里堂長將遷
瘞於義阡余傷其歿作是詩以弔

寓形大塊內變滅如風埃依依孤蘭姿不上黃金臺客
死古豈無君死猶蒿萊方君初病時秋自京都回空齋
數相見書案皆寒灰對飯不能喫買藥親炮煨氣劣面

如削高說尚雄瑰破衾裋羸骨今在古廟隈俛仰視所
親旅櫬惟霜苔何人置肴豆何人陳酒杯故鄉那得返
義塚將就培我成殮歌聲君聞寧不哀

八月三十日小園桂香清甚招同僚吟賞憶劉

判官葉令君

廷博案葬未嘗仕
進此詩或係誤入

日出理簿書夜常秉燭歸不知花開謝閒關園鳥啼竭
來巾峯下三度著秋衣丹桂立西風明年開向誰俗吏
癡已甚騷人貌難追坐中金蘭契蕭爽芙蓉姿酒漓飲
不醉取歡在琴詩村落有貧民攔道訴寒饑官涂一笑
過念此令人悲賢哉二大夫露宿東西溪

江湖後集卷二十

三讀書齋正本

古贈別三首

撫我膝上琴酌君杯中酒惟琴乃正聲惟酒是醇耐芳
年如驚鷗願介斯文壽結交非悠悠所貴在耐久
今君遠行邁黃葉辭故林驅車背寒日何能寫冲襟勿
歎儒服弊去爲塵土侵白雲在空谷歲晚毋遐心
孤寂久杜門莓苔未嘗掃風吹別離顏少日鬢已槁靡
靡歲月逝清霜散幽草君去贈一言歧路歸直道

有所思

白蘋洲前風似刀白頭有客披芎袍芙蓉鬱紅墮芳沼
楊柳攢綠搖空壕擣衣砧歇菴無語美人清宵隔湘浦
獨掩高樓聽遠更不禁老樹鳴秋雨

夜宴曲用草窻韻

博山飛香靄空綠大菊杯心凸金粟百幅翠眉障夜寒
歌臺小妓吹橫玉蘭堂畫燭如椽龕楚腰魏鬢嬌相扶
四筵高談過花漏犀盤雜遝羅天酥杯行過手如飛箭
坐上愁無繫歡綫曉鞦韆月朦朧歸東家又報開春宴

猗蘭曲

江湖後集卷二

古讀畫齋正本

湘花小朶分幽春封根苔土如蛇鱗東風曉剝兔豪殼
青瑤斛冷香吹人滋香夜滴金蟾水綠葉紫莖光韡韡
佩囊荒破赤龍愁璧月斜沈泣騷鬼

古春謠

蒼梧雲塞東風路勾芒太皞無行處草嚙枯泥后土愁
桃花自滿雲中樹黃牛力作興農工一犁細雨香濛濛
阿香夜奉玉皇詔搥鼓空喚閒虵蟲

桃州古田鋪歌

今武康縣

老翁犁山田土中獲得昔人墾田器似鐸有柄如鍾不

圓身長二尺徑八寸口薄腹厚脣微穿顏色紺碧豔綠
處閒有班紅如血鮮形模古拙見者怪銅性已變不復
辨疑是死鐵兼頑鉛老翁視爲棄物委牀下一朝移出
茅簷前塵灰糠粃俱塞填乃有博雅識是古田鑄垂涎
拂拭再三看扣之尚覺聲隱然水痕土色兩相蝕歎息
不知鑄自三代之何年邀翁問所得共入酒家保買以
十萬青銅錢買來攜歸置几案一架坐插青絲氈圖書
鍾鼎相聯編寶玩要使兒孫傳自秦歷漢以來此鑄只
在土出世便苦無常主博雅好事歸泉臺可憐閱世亦
如草頭露高堂山鬼不守護他家更有好古人又以青
錢易將去

憶昔行

憶昔當年十四五嘗看秋潮到江滸飛裾徑上酒家樓
憑欄直望潮生處數百里閒名海門悠悠一綫色如銀
漸近江心痕漸大洶湧聲吞十萬軍須臾潮頭高數丈
衆潮隨接皆奔上中有雄心拍浪兒幾點紅旗爭蕩漾
風前縹渺奪標來神蛟鬼鱗俱摧頽監潮侯有伍胥在
但見瀆薄旋推回後來沙漲西興口潮勢何曾十分有

水上人騎驟馬行車如雞栖馬如狗數年之後不可當
漪潏驚聞洗目塘汪洋且撥菜園去壩子橋邊亦渺茫
神臯內史承天旨擺椿壘石曾料理至今過捺逾十年
椿石如城牢在水江頭人謂可安居連年不柰還憂虞
西風吹潮半夜起子胥之怒知何如陰威作寒帶煙霧
捲石掀沙出幽府堪羨雲中拍浪兒踏在危機不怕危
乘除消長君休忽牢執長竿一面旗

婺源琉璃萬燈歌

節齋堂中所張

婺源燈匠奪天巧做出新燈極精好細細琉璃萬縷中

江湖後集卷二十

十六讀畫齋正木

織得禽鳥及花草錦娘眷眷繡娘羞煌芒五色耀冰毬
江梅盈枝玉影蘂離枝滿樹紅堆頭水晶不瑩珠瓊冷
屏閒雲母空烘影百尺長竿橫畫梁寶蓋懸空繫纖綆
綠灑鱗鱗晃曲波斜岡蹙蹙映平坡瓶中梔子豆心綻
籃裏海棠絨帶拖午夜高堂明似畫璧月涵光燦星斗
蠟香埭靄焰春陽錦光倒射金杯酒此燈絕妙世閒無
乃是婺源燈畫圖梁園下客非誇大從今不必說姑蘇

冰壺飲歌

金流石爍草欲枯炎氣熇熇噓洪鑪蘭臺兔園避處無

高堂貯冰排玉壺珊瑚水晶閒犀株扇車作風轉輓轆
水戲蠟刻鴻鷗鳧大瓜浮綠李沈朱碧箭捲香榼雲腴
膾盤堆雪封秋鱸美人笑指袁安圖汗珠滴出紅羅襦

苦寒歌

凍天添雲埋晝光江河膠合蛟龍僵涸陰噓風無慘烈
枯磧莽莽沙浮霜蟄春老屋如冰井獸炭烹紅烘不醒
南山飛瀑成玉絲哀猿灑落孤松頂

關山月

玉門關外月遠接黑山明晃色同沙冷飛光掩雪清宿

江湖後集卷二十

七讀畫齋正本

師方偃陣游騎復窺城不信長生魄年年照戰爭

對月

水上重樓閉虛空雲盡收十分今夜月一片玉晨秋祇
有詩能寫都無價可酬寥寥飛鵲外歌吹在青樓

道場山穴後葉靖逸同遊

石爛木全焦鍾魚變寂寥老僧無法說諸佛亦魂銷寺
有州圖載山餘窳堵標嗟嗟伏虎事誰更問前朝

石山僧

禪衣挂石稜月澗瀨流冰釘晝掃寒壁覆綦然夜燈別

來增落葉病起損枯藤說透蓮花偈相依有越僧

華亭延恩律師

花會收雲席經聲散宵冥無言坐巖壑隨意使精靈齋
鉢重教漆埋龕預作銘養成松上鶴相對兩眸青

寄北山僧

一菴猿鳥外琢石疊禪扃行道拖寒衲消閒補壞經新
泉開出遠古像呪來靈常憶相尋日中巖松桂馨

贈華亭延慶坦講主

身不鑽權貴諸方盡說師講多禪子聽行少俗人知猿

江湖後集卷二

式讀畫齋正本

護挑經錫龍依洗鉢池舊房天目下松長幾秋枝

寄心禪人

寂寂古山根閒房竹半分野禽聽佛偈香草入禪薰白
露滴孤壁悲風生破墳昨來經世業應已付浮雲

送超海翁遊金陵

渺渺金陵道江天正寂寥孤鴻隨去影一錫破寒飈官
渡潮多湘臺城寺半凋離宮見楊柳莫折弄春條

送僧歸杼山

亂峯村口寺舊有畫公房鳥宿猿啼處風吹月在傍揭

雲松景黑澗石蘚痕黃明日煙霞外相望隔夕陽

送僧廣明

忽辭同侶去自喜水煙濃江草有閒色野僧無定蹤衣
襖方眼笠瓶系曲枝筇明宿楓橋寺先聽夜半鐘

題贈然鏡潭

象園非假鑄湛湛一泓深獨露古人體靜涵天地心月
沈聲不響雲晦影無侵定起何人會魚龍識梵音

寄輝老

八十空門侶如君有幾僧眼明非服藥身健不扶藤雲

江湖後集卷三

十九讀書齋正本

綴搜吟筆花紛說戒燈小師親得法新度碓頭能

與昭慶因律師

西湖戒壇寺近逼九重天師住無他惱人言有宿緣蓮
香薰梵祴柳色護齋筵四分南山律今誰可共宣

春日題吳興峴山寺

花草滿蒼陽東風隔短牆窪樽殘葉爛壞塔老藤僵鴿
暝栖苔殿僧寒閉竹房荒阡人哭散惟覺紙煙香

送客赴邊任

山陽今近敵君去酒當呼不爲畱行役閒因說道途春

沙郵騎老夜雨戍樓孤袖裏酬君劔須將示丈夫

河軒初秋夜坐

滌熱屢呼茶河軒去郭賒雲紅初夜月風白久晴沙樹
暗惟聞蛩波明閒躍蛙松江鱸入思客老媿浮家

題車蓋實公菴

雲火欲燒天得涼過得仙蛙隨殘雨鬧犬護一僧禪竹
色搖山磴荷聲拂水田別期秋月夜來借石牀眠

雨樓晚思

紅葉入溪樹悽悽吟思微雨連秋市暗鐘遶暮天飛淺

江湖後集卷二

王讀畫齋正本

井陰螢出高城宿鳥歸誰知凭欄處愁響隔林機

遊空相寺追憶輝老兼懷伯弼

山門掩夕曛芳草綠紛紛蛛殿縣陰火鷓城聚冷雲探
吟僧滅度寄靜客離羣何處增惆悵秋房駁蘚文

題友人郊居

鷗鷺羣栖地幽人長閉關孤村皆是水疊石自爲山春
雨車溪外秋風笠澤閒短籬忘世味惟看釣舟還

烏程趙尉廳冬夜詩宴

論詩仙吏宅酒罷夜寒增雪映高城月風吹古岸冰入

橋聞短棹隔塢見微燈重媿羈吟容青雲去未能

送溧陽友人依茅山玉宸觀主

抱琴遊帝里一帽兩鞞塵忽憶歸金瀨還謀老玉宸魚
分仙澗月虎讓古山春伏事陶弘景終非是俗人

楞翁朱安叔下省

直儒方進用春榜又遺賢時屈道終在才高人其憐休
疑考官眼且結作詩緣桃李東風外身閒卻是仙

凭欄呈劉季良

傲貧成白首萬事不相關有病身元懶無官心更閒紅

江湖後集卷二十

主讀畫齋正本

塵拋永日黃葉換秋山欲識冥冥意孤鴻夕照閒

道院春日

褰簾捲竹房僧去罷焚香溼樹流殘雪疎籬挂夕陽花
遲春意靜苔密凍痕光野水盈愁望尋巢燕已忙

刈田

刈田秋雨外孤嶼集鼠師紅樹籠斜照青篙網細絲鐘
殷山麓寺燈淡野塘祠一片鳧鷖水羞來鑑白髭

送趙子眞尉進賢

王孫爲一尉古邑近西山梅福仙名在此官非等閒水

程蠓孽後野店鼠逃開未必須三考應持鶚表還

送趙子真赴信州司戶

鳴鐸臨征路信州非路程官曹有名勝版賦足修明地
富饒銀母山清韞水精貧交以貧累不得伴君行

貽趙司戶

同往爭名地回頭二十年君今官幕府我費客遊錢夜
兩梨花店春風柳絮船澆情一樽酒逢在冶亭邊

九衢

九衢名利路日有是非塵所以隱淪客棲於寂寞濱秋

江湖後集卷下

三讀畫齋正本

聲飛野柳涼色弄溪蘋贏得身心淨人間不媿人
小窻臨竹地借住半年過枕上感秋事月中聞棹歌青
山無力買白髮有痕多那得成漁計江村自養和

張約嘯巖書院

雅調背時流月分吟外秋墨研青嶂石茶泛碧霞甌果
熟猿難喚松寒鹿自遊風前橫一笛不必更登樓

看桃偶集僧舍

看桃臨水寺幽會得文襟移石分花坐含毫對酒吟日
斜旛影倒風斷磬聲沈人散清溪暮鶯啼出柳林

與箬溪煥上人夜坐

一菴秋色裏共坐佛燈前風引上香馨月浮煎茗泉袖
寒沙氣逼窻迴樹聲懸語罷鴉棲定山僧入夜禪

送張將領

平生憑一箭此去必成名晚月吹行色秋風入別情潮
分江口鎮山擁石頭城匹馬煙塵外當開驃騎營

偶飲溪寺

踈雨過長林溪頭日半沈開尊成草酌得句嚼花吟蝸
砌苔堆溼蛛簾柳映深倚欄秋欲暮醉耳怯寒砧

江湖後集卷下

三讀畫齋正本

雲間贈別薛沂叔

水竹居成久何因又出山有詩懸肘後無事在人閒短
劒丹霞鋟扁舟白石閒野情元不定遙載鶴鷁還

梅

草木盡凋殘孤標獨耐寒瘦成唐杜甫高抵漢袁安雪
裏開春國花中立將壇年年笑紅紫翻作背時看

癸卯元日

一簷朝雨若輕塵新歷雖開未是春著出隱衣朝太帝
送來名紙謝同人故園有弟音書絕要路無親旅食貧

五十平頭今日到不堪卧病似漳濱

送僧過建康

一酌離亭桑落酒
毵毵短髮長愁苗
秋房已棄星居屋
晚寺應投旦過寮
歌哭盡從流水去
榮枯半逐暗塵消
江船載月敲銅斗
莫向臺城問六朝

倚欄

裊裊朱欄倚細波
綠雲相對闕嵒峩
中天車駕曾擒寇
何日樓船定入河
霽柳午陰隨遠岸
露桃春色過牆多
黃旗適應東南運
已辦簫鏡幾曲歌

江湖後集卷二

音讀畫齋正本

吳下春陰

雲揭繁陰雨乍收
吳王故國悄如秋
春光物態千年在
草色人心一樣愁
香徑有時迷野蝶
帆溼無處覓沙鷗
桃花欲謝清明近
兩鬢霜絲感昔遊

秋日山家

露華溼冷入練袍
獨坐雲亭日易高
林茂不知山色減
石枯因見水痕牢
避人黑鼠窺芋栗
引子黃猿拾楮桃
野老欲論城市事
遠教童稚覓香醪

水軒遣懷

漠漠風煙滃綠陰小軒多是暗愁侵逗明月落杜鵑叫
向晚雨寒蚯蚓吟一鏡自知添鶴髮五湖誰解食魚心
帶春應有餘花在吳苑荒殘不可尋

古項王祠

冊帝追王事總非殘碑猶自對斜暉廟無人到苔痕古
地有蛇盤樹色肥月暗野風吹鬼火塵昏沙雨駭神衣
烏江渡口停騅處今日誰知作釣磯

退將

自慚戰陣未曾親便待歸田養幸身隨仗馬閒秋骨瘦

江湖後集卷二

王誼讀書齋正本

打球單散曉眉頰遊邊尚憶擒虢將畫閣何堪作老臣
昨日望春門外過鐵鞭惆悵暗生塵

偶憩破寺

當軒水漬一池苔竟日無人見客來飛鳥忽從花下出
游僧恰自雨中回半邊枯樹雷燒破幾段殘碑雪凍開
檀施只今何處在金容冷對石爐灰

秋初漫吟

吟腸悽斷月蒼蒼促織聲中露未涼高挂酒經緣抱病
閒看藥錄爲參方久要兄弟皆書絕旋雇奴童住不常

擬續逐貧揚子賦筆黏塵網硯池荒

弔松山曹可擇

供奉芸籤內殿閒身清不媿是卑官帶殘敕號緡應斷
吟出新詩版未刊妾引哀歌秋燭暝客收閒迹曉松寒
端平才子如君者免死江湖把釣竿

喜宥寺梅屋

幽幽一屋巧藏春花匠何曾動斧斤逐朶似裁霜漢月
滿椽如架石橋雲繁花綽有苔錢賃清夢那無蝶羽分
欠得玉人相共住金樽檀板送斜曛

江湖後集卷十

吳讀畫齋正本

秋曉聞鶴唳

角斷鐘殘月尚明誰家霜鶴唳蘋汀空簷竹上滴寒露
野水城邊沈曉星清帶離情窈碧戶遠將秋思入蒼冥
往年禮謁茅司命曾記昇元頂上聽

夜歸

風急漏聲斷月斜人影長殘燈收短市鴛瓦已凝霜

詠老桐

枯心不作花儀鳳那采取何當被朱弦齋身大晟府

贈舟上人

放浪詩騷外塵心鍊到空白雲開夜觀海月冷松風

倚樓

客意入燈篝無詩過一秋角聲吹雨斷人在截雲樓

山崦早梅

晴逼寒色春滿鄰漢奩芳額漸輕勻東風未放全消息
雨萼愁香不見人

畱別范可叔

吳皋一水幾番行鷗鷺相逢眼亦青一別隔年頭白盡
離歌今日不須聽

江湖後集卷二十

毛讀畫齋正本

漁父引

漁伴歸來語笑喧盡攜筒罾醉雲根自從城裏魚增稅
船在江村不入門

代贈牧馬將

草枯水冷馬添臙箭放鳴鶻不射鵬塞北又傳烽火動
冠軍人望霍嫖姚

寒食日

讀盡唐人寒食詩人於此日重傷悲如今裹飯吳中俗
可是相浴爲子推

楚宮秋怨

水殿芙蓉拆錦苞暮簷小網集蠨蛸射麋人醉秋江畔
風宵塵絲落燕巢

張氏池亭飲歸

金荷杯冷酒醺醺重費殘花一夜春橫玉聲乾桃葉渡
斷雲空惹舞鞦韆

淳祐辛丑元日

滴酒焚香把筆熏未書名紙謁朱門對天大寫宜春字
先與孤寒懺宿根

江湖後集卷二十

天讀書齋正本

杜鵑

聲聲叫出思歸苦叫得春風破膽愁江北江南皆蜀客
年來添白幾人頭

一片

一片青蘿絡緯啼星稀月沒未聞雞數聲柔艣斜窻外
彷彿風光鬢畫溪

僧去

僧去焚香白晝空客窻斜掩棟花風黃鸝舌結春歸盡
煙雨滿林聞郭公

閒倚

春風樓外白雲堆壁上塵昏雨後苔倚盡夕陽窻欲掩
小蜂猶抱落花來

送高可久遊越

東風大扇九區春吳下吟人發廣津欲上會稽探禹穴
桃花和雨撲離巾

賦元秀坐主孤峯

一峯峭立俯羣山下有僧居一體閒收拾春煙與秋雨
年年曾在碧苔閒

江湖後集卷下

三毛讀書齋正本

文式上人月溪

菰蒲聲裏著禪扃一派蟾光畫不成試看世人心似火
何時得此定中清

曉起

蕭城一雨夜迷迷聞道春流已滿溪漉禿隔牆烏桕樹
曉來猶有亂鴉棲

春晚呈節齋趙大資二首

韶光似酒著人濃池館春殘柳絮風花不耐愁春自去
鶯聲全在綠陰中

宿雲惹雨膩如塵溼盡薔薇一片春鶻鳩恰鳴蝴蝶懶
軫香惟惱扈芳人

蟋蟀

朱欄碧戶綠莎邊挑入雕籠合自憐應是不知悽楚意
癡兒爭把鬪金錢

月林爲僧甫賦

篩金鏤玉影颼颼一片松杉不斷頭鐘梵聲殘寒汐外
石牀常擁四時秋

送趙上人過靈隱

江湖後集卷二

三讀畫齋正本

斗邊一塔冷浮光九里松風揭寺香君去正當春雨動
雪花消盡石蘭芳

贈僧某

曾見升壇落髮時伽黎衣冷影離離少年同隊修禪者
秋水蓮中玉一枝

贈僧演若海

禪心靜寄十三徽流水知音舉世稀自愛聲空弦絕處
滿天明月鶴孤飛

敬酬芳庭植講師

一卷新詩寫衆芳
碧雲裏出白雲鄉
小溪秋水蘋花外
良慰孤吟老夕陽

送中巖立上人還臯亭山

少年如玉在緇林
此去臯亭落葉深
寺近海門潮上處
水中孤月是禪心

送觀物初禪師退院後歸靈隱

擊殘塗毒抖衣塵
便挂輕帆破淺春
後夜冷泉池上看
白雲明月是閒身

與箬溪煥上人夜坐

江湖後集卷二十

三讀畫齋正本

菱窠柿葉滿秋池
彷彿樵歌在翠微
隔寺晚鐘聲欲斷
蒲葵樹底一僧歸

春曉

竹西窻上月痕斜
雨歇春城叫亂蛙
睡眠未醒人在夢
斷雲流水隔桃花

雜感

五尺長琴被獨弦
大音濁世沒人傳
一聲彈入碧空去
三十六峯收紫煙

題吳興峴山寺

兩餘山態活如雲過午鐘閒寺影昏寂寞春風荒草裏
野僧惟主一窪尊

車塘晚歸

寒雲無影雁寥寥如雪冰沙迥野橋木末夕陽收未盡
江風吹台欲回潮

寶覺寺晚歸

半幅新霞漁舍外一梳殘月鵲巢邊近城幾樹官橋柳
繫盡姑蘇過客船

秋日題慈感寺

江湖後集卷二十

三讀畫齋正本

老柏驚秋子徧庭寺深雲冷屋如冰九旬夏滿僧歸盡
閒卻虛堂照講燈

桂花

西風屑碎幾籛金幻與清香賽水沈吹入淮王招隱樹
箇中緣有辟塵心

山菴

花梨架子定花瓶一朵紅梅對懺燈賈島佛前修夜課
卧冰菴主是詩僧

溪濱晚作

渺渺斜陽下翠微紛紛黃葉徧苔磯青樓簫鼓西風外
幾箇霜鴻一字飛

約客不至

昨朝新得剡山茶有約煎嘗對晚霞月上湘簾人不至
一池春水落桐花

瑞光寺

蘚剝春痕土燥斑下堂僧散午鐘閒寺門半掩東風急
塵捲空廊二十閒

送人南海鈴兵

江湖後集卷下

三讀畫齋正本

伏波簫鼓按蠻軍馬首紅旗燕尾分海水如今平似掌
樓船夜夜鎖閒雲

賦教授允濟雲心

山川融結氣網縕舒卷油油一大鈞今古此心誰會得
竹林中有卧龍人

題吳興卞山黃龍洞

巨靈穴此頑冥右應在乾坤初定時不是黃龍曾出見
洞藏山底竟誰知

楊妃看牡丹圖

花上輕雷一捻紅阿環無語對春風金輿欲度沈香月
猶在霓裳半醉中

遊楓橋寺

吳王舊迹水煙移幾度孤舟此別離今日來遊故人盡
稻花風裏亂蟬悲

衣上酒痕

江令宅邊蕭帝寺桃花曾借客溫存湘羅襖上經年酒
錯被人疑作淚痕

和樵父詞

江湖後集卷下

三石齋讀畫齋正本

山深猿鳥久忘年茅屋風吹夜見天莫問荆妻生計事
一枝樵斧酒爐邊

懷永豐宰阮允齋

吉陽煙水幾千里一紙閒書失斷鴻裘葛相催驚老耳
井邊桐葉又秋風

館娃宮

一夜娃宮有戰塵玉笋羞見苧蘿春浣紗前日東家女
莫道亡吳是妾身

賦西江隆上人瘦巖

巉巖一穴嵌空石不是人閒飯
顛山鐘鼓聲中有吟者
獨甘於此寄清孱

漁父

歲儉何曾敢乞漿早於世路似忘羊
桃花飯有秦人味
不染膏粱職賦香

贈僧

坐夏靈巖又欲回菴扉聞枕蠡塘開
經房不鎖書櫺壞
幾點浮螢照綠苔

送虛舟立上人還天竺

江湖後集卷二十

三聖讀書齋正本

殘雪初乾溪水滑梅花狼藉桃花發
靈山僧去盪虛舟
滿棹晴雲帶新月

荅僧秋蓬

賣菱人散日銜山一紙詩來鹿苑閒
料得短篷秋泛處
荻花菰葉兩爛斑

寄雲泉頤上人

溪房夜掩白雲層酬唱詩筒繫海藤
花落煮茶窗外石
一航春雨隔吟燈

寄淨慈寺修上人

塵海翩翩獵梵衣何如蘋末看斜暉幾回行到言詩處
水寺秋雲罷耗飛

賦僧王枕流

牀頭澗水響泠泠牀上幽閒自曲肱莫放飲牛人洗耳
恐沾塵污合龕燈

送信座主過天竺寺

九里松邊鷲嶺頭松聲長帶白雲秋梵筵多有吟僧在
須認詩中第一流

僧遊鄂渚因贈

江湖後集卷二

吳讀書齋正本

夏口雲邊有遠期杖藤行李只軍持六朝文物今無幾
爲看頭陀寺裏碑

木芙蓉

懊惱春紅不受賒一枝枝似一團霞玉霄露重秋煙冷
唐突西風是此花

晚香贈秦奎

風肅霜嚴草木凋一花半葉不相饒騷人受用秋英處
探得天家別一條

春日雜題三首

昨朝飛雪又朝
怕踏苔花損石稜
三丈日高簷影轉
卧聞殘水滴春冰

碧薺抽條土力鬆
春雷猶自蟄黃龍
上清道士歸尋藥
一笛吹雲入弁峯

手撚薔薇一凭欄
一年春事欲題難
驚鴻掠盡碧雲去
兩市蘋洲生暮寒

水仙花

鞦韆羅塵冷不勝
頻更向東風占盡
春三十六灣
明月下
女冠逢著謫仙人

江湖後集卷二

毛讀書齋正本

唐室

唐室艱難勢莫任
匡君奏議抵金鍼
塑人塑得先生貌
難塑當時一片心

小隱園

孝宗賜皇兄崇王
在吳興法華寺

袞衣一返上清槎
五十年閒在咄嗟
夜鶴不歸猿亦死
一丘明月冷梅花

梔子花

小樹深叢絢綠華
辟邪香冷玉無瑕
薰風只是能奇絕
疑是經春大雪花

浙西憲臺夏夜聽雪江徐天民琴

火天月滿繡衣庭
秋思從君指下生
莫怪老懷眠不得
七弦彈出蟹行聲

贈僧廉清外

拉搭袈裟斷帶裙
持心不肯釋伽文
風涵秋水霜涵月
多少浮僧妬殺君

送亨坐主往天竺

雲笈遙攜智者書
要尋初地作工夫
靈山懺主堂前草
試看春痕幾遍枯

江湖後集卷于

天讀畫齋正本

詒暑賦

火官之臣職夏九旬月屬徂暑氣猶氤氳赫赫朱轂駕
於銀河之津暘黔首於原野困鳥獸於荆榛風如焚以
灼石水如烹而沸鱗采蘋老人鬢已焦禿旅寄中吳假
住地屋倚喘弗蘇百骸罹毒朝面崇牆炎暉炙目夕坐
短簷返照爍肉南北無十弓之長東西才兩尋之廣旁
之林藪蓀有蔭障况迫近於淤河遂蒸熖而愈王病婦
釋鍼而倦紉稚女洗妝而退帳於是作歌曰斗柄西指
涼風秋矣久熱斯極金伏收矣積陽上升茲日瘳矣火

官之臣行且休矣重曰桂芳兮蘋香素月兮清光赤雲
滅兮白雲揚沐冠巾兮浴衣裳拔火聚於醜國撤烘燎
之吟牀

江湖後集卷二十

江湖後集卷二十

三
元
讀
書
齋
正
本

12228

